

全唐詩



全唐詩目

第十二函

第六冊

司馬承禎

以下導

張氤

司馬退之

裴脩然

軒轅彌明

陳寡言

李昇

范堯佐

徐霸府

吳子來

共一卷

吳筠

一卷

杜光庭

一卷

鄭遨

虞有賢

程紫霄

舒道紀

彭曉

魚又玄

共一卷

呂巖

四卷以下仙

呂
四

造
常

曠
象

本

天

子

連
事

事
事

此

全唐詩

司馬承禎

司馬承禎字子微河內人好學工篆隸居天台紫霄峰則天睿宗明皇累召見問道術後居王屋山卒贈真一先生詩一首

荅宋之問

時旣暮兮節欲春山林寂兮懷幽人登奇峰兮望白雲
悵緇邈兮象欲紛白雲悠悠去不返寒風颼颼吹日晚
不見其人誰與言歸坐彈琴思逾遠

張氲

張氲一名蘊字藏真晉州人神情秀逸脩閑學道不娶

嘗寓李嶠家十餘年棲息洪崖古壇自號洪崖子天后
及明皇朝屢召不赴詩三首

醉吟三首

去歲無田種今春乏酒材從他花鳥笑佯醉卧樓臺
下調無人睬高心又被瞋不知時俗意教我若爲人
入市非求利過朝不爲名有時隨俗物相伴且營營

司馬退之

司馬退之開元中道士詩一首

洗心

不踐名利道始覺塵土腥不味稻粱食始覺精神

一作神骨清

羅浮奔走外日月無短明山瘦松亦勁鶴老飛更輕逍

遙此中客翠髮皆長生草木多古色雞犬無新聲君有
出俗志不貪英雄名傲然脫冠帶改換人間情去矣丹
霄路向曉雲冥冥

裴脩然

裴脩然楚州刺史思訓之子開元中爲道士好詩酒善
丹青詩一首

夜醉臥街

開元中夜醉卧街
犯禁乃爲此詩

遮莫𦼮𦼮動

一作鼓

須傾滿滿杯金吾如借問但一作報道玉山

頽

軒轅彌明

軒轅彌明元和中衡山道士詩一首

謁堯帝廟

桂州堯廟有開元二年
彌明謁堯詩自宋鐫石

祖龍開國盡遐荒
廟建唐堯鎮此邦
山卷白雲朝帝座
林疎紅日列仙幢
巍巍聖蹟陵松嶠
蕩蕩恩波洽桂江
瞻仰威靈共回首
紫霞深處鎖軒窗

陳寡言

陳寡言字太初
暨陽人從田良逸
學道元和中住桐柏
山詩二首

山居

照水冰如鑑
掃雪玉爲塵
何須問今古
便是上皇人
醉臥茅堂不閉關
覺來開眼見青山
松花落處宿猿在
麋鹿羣羣林際還

臨化示弟子

我本無形暫有形偶來人世逐營營輪迴債負今還畢
搔首翛然歸上清

李昇

李昇字雲舉江夏人學煉氣養形之術與元白善年百
餘歲卒詩一首

元白席上作

一作呂巖遇
鍾離先生作

生在儒家遇太平懸纓垂帶布衣輕誰能世路趨名利
臣事玉皇歸上清

范堯佐

范堯佐長慶元和中道士詩一首

一字至七字詩

以題爲韻同王起諸公送白居易分司東都作

書

書憑鴈寄魚出王屋入匡廬文生益智道著清虛葛洪
一萬卷惠子五車餘銀鉤屈曲索靖題橋司馬相如別
後莫睽千里信數封緘送到閑居

徐靄府

徐靄府自號默希子錢塘人居天台虎頭巖上以修煉
自樂武宗詔徵之力辭免嘗撰天台山記三洞要畧玄
鑑等書詩三首

言志獻浙東廉訪辭召

野性歌三樂皇恩出九重那煩紫宸命遠下白雲峰多

媿書傳鶴深慚紙畫龍將何佐明主甘老在巖松

自詠二首

寂寂凝神太極初無心應物等空虛性修自性非求得
欲識真人祇是渠

學道全真在此生何須待死更求生今生不了無生理

縱復生知那處生

一作侯臺關吟

吳子來

吳子來天中末道士詩二首

留觀中詩二首

雲笈七籤云子來止成都雙流縣興唐觀中養氣絕粒時亦飲酒他無所營一日自寫其真五

詩二章留觀中道士贊云真去

終日草堂聞清風常往還耳無塵事擾心有翫雲閑對

酒惟思月餐松不厭山時時吟內景自合駐童顏
此生此物當生涯白石青松便是家對丹臥雲如野鹿
時時買酒醉煙霞

全唐詩

吳筠

吳筠字貞節華州華陰人少通經善屬文舉進士不第
去入嵩山爲道士明皇聞其名遣使徵至待詔翰林天
寶中堅求還山尋入會稽隱剡中大曆中年卒弟子私
謚爲宗玄先生集十卷今編詩一卷

遊仙二十四首

啓冊觀往載搖懷考今情終古已寂寂舉世何營營悟
彼衆仙妙超然含至精凝神契冲玄化服凌太清心同
宇宙廣體合雲霞輕翔風吹羽蓋慶霄拂霓旌龍駕朝
紫微後天保令名豈如寰中士軒冕矜暫榮

鸞鳳棲瑤林鵬鶚集平楚飲啄本殊好翱翔終異所吾
方遺誼竄立節慕高舉解茲區中戀結彼霄外侶誰謂
天路遐感通自無阻

愍俗從遷謝尋仙去淪沒三元有真人與我生道骨凌
晨吸丹景入夜飲黃月百關彌調暢方寸益清越棲神
合虛無洞覽周恍惚不覺隨玉皇焚香詣金闕

西龜初定籙東華已校名三官無遺譴七祖升雲輶體
妙塵累隔心微玄化并一朝出天地億載猶童嬰使我
齊浩劫蕭蕭宴玉清

怡神在靈府皎皎含清澄仙經不吾欺輕舉信有徵疇
昔希道念而今果天矜豈非陰功著乃致白日升焉用

過洞府吾其越朱陵

高真誠寥邈道合不我遺孰謂姑射遠神人可同嬉結
駕從之遊飄飄出天垂不理人自化神凝物無疵因知
至精感足以和四時

碧海廣無際三山高不極金臺羅中天羽客恣遊息霞
液朝可飲虹芝晚堪食嘯歌自忘心騰舉寧假翼保壽
同三光安能紀千億

將過太帝宮暫詣扶桑處真童已相迓爲我清宿霧海
若寧洪濤羲和止奔馭五雲結層閣八景動飛輿青霞
正可挹丹椹時一遇留我宴玉堂歸軒不令遽

欲超洞陽界試鑒丹極表赤帝躍火龍炎官控朱鳥導

我升絳府長驅出天杪陽靈赫重暉四達何皎皎爲爾
流飄風羣生遂無天

予因詣金母飛蓋超西極遂入素中天停輪太濛側若
華拂漣影不使白日匿傾曦復亭午六合無暝色道化
隨感遷此理誰能測

九龍何蜿蜿載我升雲網臨睨懷舊國風塵混蒼茫依
依遠人寰去去邇帝鄉上超星辰紀下視日月光倏已
過太微天居煥煌煌

停驂太儀側整服金闕前肅肅承上帝鏘鏘會羣仙鴻
鑪發靈香一作音廣廡張鈞天玉醴洽中座霞膏充四筵良

期無終極俛仰移億年

峻朗妙門闢澄微真鑒通瓊林九霞上金閣三天中飛
虬躍慶雲翔鶴搏靈風鬱彼玉京會仙期六合同

予昇至陽元

一作源

欲憩明霞館飄飄瓊輪舉崒崒金景散

結虛成萬有高妙咸可翫玉山鬱嵯峨琅海杳無岸
賞過千椿遐齡誰復算

招攜紫陽友合宴玉清臺排景羽衣振浮空雲駕來
靈旛七曜動瓊障九光開鳳舞龍璫奏虬軒殊未回

高升紫極上宴此玄都岑玉藻散奇香瓊柯流雅音
靈風生太漠習習吹人襟體混希微廣神凝空洞深
蕭然宇宙外自得乾坤心

晨登千仞嶺俯瞰四人居原野間城邑山河分里閭
眇

彼埃塵中爭奔聲利途百齡寵辱盡萬事皆爲虛自昔
無成功安能與爾俱將期駕雲景超跡升天衢

骨鍊體彌清鑒明塵已絕恬夷宇宙泰煥朗天光徹羽
服參煙霄童顏皎冰雪隱符千魔駭鳴玉萬帝悅遂使
區宇中祇氣永淪滅

朝逾弱水北夕憩鍾山頂顓頊清玄宮禹強掃幽境燭
龍發神曜陰野彌煥炳導達三氣和驅除六天靜玉樓
互相暉煙客何秀頴一舉流霞津千年在俄頃

揚蓋造辰極乘煙遊閭風上元降玉闥王母開琳宮天
人何濟濟高會碧堂中列侍奏雲歌真音滿太空千年
紫柰熟四劫靈瓜豐斯樂異荒譙陶陶殊未終